

除夕的诗句

1.
收取闲心冷处浓，舞裙犹忆柘枝红。谁家刻烛待春风。竹叶樽空翻采燕，九枝灯炮颤金虫。风流端合倚天公。——纳兰性德《浣溪沙·庚申除夕》

2.
事关休戚已成空，万里相思一夜中。愁到晓鸡声绝后，又将憔悴见春风。——来鹄《除夜》

3.
守岁尊无酒，思乡泪满巾。始知为客苦，不及在家贫。畏老偏惊节，防愁预恶春。故园今夜里，应念未归人。——白居易《客中守岁·在柳家庄》

4.
频听银签，重燃绛蜡，年华袞袞惊心。饯旧迎新，能消几刻光阴。老来可惯通宵饮，待不眠、还怕寒侵。掩清尊。多谢梅花，伴我微吟。邻娃已试春妆了，更蜂腰簇翠，燕股横金。勾引东风，也知芳思难禁。朱颜那有年年好，逞艳游、赢取如今。恣登临。残雪楼台，迟日园林。——韩偓《高阳台·除夜》

5.
数我初生岁，今为第二年。光阴六十过，行辈几人全。试把新诗写，闲将好梦圆。儿孙扶出拜，苏酒让渠先。——舒岳祥《庚辰元旦试笔》

6.
北风吹雪四更初，嘉瑞天教及岁除。半盏屠苏犹未举，灯前小草写桃符。——陆游《除夜雪》

7.
入春才七日，离家已二年。人归落雁后，思发在花前。——薛道衡《人日思归》
8.
寄语天涯客，轻寒底用愁。春风来不远，只在屋东头。——于谦《除夜太原寒甚》
9.
云车风马小留连，家有杯盘丰典祀。猪头烂熟双鱼鲜，豆沙甘松米饵圆。男儿酌献女儿避，酹酒烧钱灶君喜。——范成大《祭灶词》
10.
烛影摇红焰尚明，寒深知已积琼英。老夫冒冷披衣起，要听雄鸡第一声。——赵翼《除夕》
11.
金瓯何事告凋残，此责当涂敢自宽。遥望中原烽火急，狂流一柱在延安。满地疮痍不忍看，三边耕织有余欢。勤劳无逸能兴国，士马腾欢敌胆寒。——钱来苏《新年有感》
12.
岁月新更又一春，迎春还是旧年人。愿除旧妄生新意，端与新年日日新。——詹初《新春》
13.
客路青山外，行舟绿水前。潮平两岸阔，风正一帆悬。海日生残夜，江春入旧年。乡书何处达？归雁洛阳边。——王湾《次北固山下》
14.
一月月相似，一年年不同。清晨窥古镜，旅貌近衰翁。处世闲难得，关身事半空。浮生能几许，莫惜醉春风。——许棠《新年呈友》
- 15.

燃灯朝复夕，渐作长年身。紫阁未归日，青门又见春。掩关寒过尽，开
定草生新。自有林中趣，谁惊岁去频。——无可《新年》

16.

丰年多黍多稌，亦有高廩，万亿及秬。为酒为醴，烝畀祖妣。以洽百礼
，降福孔皆。——佚名《诗经·丰年》

17.

谁向椒盘簪彩胜？整整韶华，争上春风鬓。往日不堪重记省，为花长把
新春恨。春未来时先借问。晚恨开迟，早又飘零近。今岁花期消息定，
只愁风雨无凭准。——辛弃疾《蝶恋花·戊申元日立春席间作》

18.

乡心新岁切，天畔独潸然。老至居人下，春归在客先。岭猿同旦暮，江
柳共风烟。已似长沙傅，从今又几年。——刘长卿《新年作》

19.

茅舍春回事事欢，屋尘收拾号除残。太平甲子非容易，新历颁来仔细看
。——蔡云《吴歎》

20.

江上见新年，年夜听春雨。有个人人领略春，粉澹红轻注。深劝玉东西
，低唱黄金缕。捻底梅花总是愁，酒尽人归去。——朱敦儒《卜算子·
除夕》

21.

忆昔岁除夜，见君花烛前。今宵祝文上，重叠叙新年。闲处低声哭，空
堂背月眠。伤心小儿女，撩乱火堆边。——元稹《除夜》

22.

坐到三更尽，归仍万里赊。雪声偏傍竹，寒梦不离家。晓角分残漏，孤
灯落碎花。二年随骠骑，辛苦向天涯。——戎昱《桂州腊夜》

23.

夜久谁同坐，炉寒鼎亦澄。乱松飘雨雪，一室掩香灯。白发添新岁，清吟减旧朋。明朝待晴旭，池上看春冰。——齐己《除夜》

24.

永夜谁能守，羁心不放眠。挑灯犹故岁，听角已新年。出谷空嗟晚，衔杯尚愧先。晚来辞逆旅，雪涕野槐天。——皮日休《旅舍除夜》

25.

欲知垂尽岁，有似赴壑蛇。修鳞半已没，去意谁能遮。况欲系其尾，虽勤知奈何。儿童强不睡，相守夜欢哗。晨鸡且勿唱，更鼓畏添挝。坐久灯烬落，起看北斗斜。明年岂无年，心事恐蹉跎。努力尽今夕，少年犹可夸。——苏轼《守岁》

26.

昨夜斗回北，今朝岁起东。我年已强仕，无禄尚忧农。桑野就耕父，荷锄随牧童。田家占气候，共说此年丰。——孟浩然《田家元日》

27.

岁序已云殚，春心不自安。聊开柏叶酒，试奠五辛盘。金薄图神燕，朱泥却鬼丸。梅花应可折，倩为雪中看。——庚肩吾《岁尽应令诗》

28.

一樽岁酒拜庭除，稚子牵衣慰屏居。奉母犹欣餐有肉，占年更喜梦维鱼。钩帘欲连新巢燕，涤砚还疏旧著书。旋了比邻鸡黍局，并无尘事到吾庐。——钱谦益《丁卯元日》

29.

笙歌间错华筵启。喜新春新岁。菜传纤手青丝细。和气入、东风里。幡儿胜儿都姑媳。戴得更忺戏。愿新春已后，吉吉利利。百事都入意。——赵长卿《探春令》

30.

廿年曾注粤参藩，前后趋承站主恩。岭外民生空杼轴，辽阳兵气咽关门。私忧国计无归着，屡到家书亦厌烦。半百已过弹指顷，尚留残烛照黄

昏。——曹学佺《癸亥除夕》

31.

细草穿纱雪半消，吴宫烟冷水迢迢。梅花竹里无人见，一夜吹香过石桥。
——姜夔《除夜自石湖归苕溪》

32.

城里夕阳城外雪，相将十里异阴晴。也知造物曾何意，底事人心苦未平。
柏府楼台衔倒影，茅茨松竹泻寒声。布衾莫漫愁僵卧，积素还多达曙明。
——王守仁《次韵陆佥宪元日春晴》

33.

紫府仙人授宝方，新正先许少年尝。八神奉命调金鼎，一气回春满降囊。
金液夜六千尺井，春风晓入九霄觞。便将凤历从头数，日日持杯访醉乡。
——瞿佑《屠苏酒》

34.

画角声中旧岁除，新年喜气满屠苏。阳和忽转冰霜后，元气更如天地初。
晚色催诗归草梦，春光随笔上桃符。闭门贺客相过少，静对梅花自看书。
——真山民《岁朝》

35.

青萤灯火不成欢，薄醉微吟强自宽。何意有家还卒岁？久知无地可垂竿。
壮心真共残更尽，泪眼重将旧历看。同学少年休问讯，野人今已擢儒冠。
——顾梦游《乙酉除夕》

36.

乾坤空落落，岁月去堂堂；末路惊风雨，穷边饱雪霜。命随年欲尽，身与世俱忘；
无复屠苏梦，挑灯夜未央。——文天祥《除夜》

37.

消息东郊木帝回，宫中行乐有新梅。沉香甲煎为庭燎，玉液琼苏作寿杯。
遥望露盘疑是月，远闻鼙鼓欲惊雷。昭阳第一倾城客，不踏金莲不肯来。
——李商隐《隋宫守岁》

本文链接：<https://duanjuziku.com/duanjuzi/ri4j10diof.html>